



STINAPA TA INFORMA

TRIBON DI PRE-HISTORIA

Si bo tin miedu di tribon manera e tribon blanku grandi bo mester ta kontentu ku bo no tabata biba un par di mion di aña pasá. Den e tempunan ei tabata eksistí un espésie di tribon ku a haña e nòmber "Megalodon". Esaki ta laga e tribon blanku keda manera un sardinchi banda di dje. Ta difísil pa haña eskeleta di tribon pasobra su wesunan ta dirti, pero a base di e djentenan fosil di e tribon aki ku sí nan a haña nan a traha un rekonstrukshon i esei a sali na 20 meter di largura! Asina mes, un bestia apsolutamente masivo ku djente manera blet. Pa kompará: e tribon blanku grandi ku nos konosé awendia tin djente di 5 sèntimeter largu, awèl "Megalodon" su djentenan tabata midi 17.5 sèntimeter. E tribon aki tabata asina grandi ku e por a guli un hòmer adulto kompletu sin ku esei lo a mishi ku su band'i boka. Inkreibel no? Pero di kon nan no ta eksistí mas, bo por puntra? Sientífikonan ta sospechá ku e bayenanan gigantesko ku nan tabata yag i kome lo a haña un sorto di problema i a disparsé, i a konsekuensia di esaki e "Megalodon" tambe a disparsé. Di un banda ta lamentabel si, pasobra lo ta un aventura di wak unu, pero di otro banda por ta tòg nò? Awor un otro pregunta ta si e tribon blanku ta un descendiente di "Megalodon"? Ántes tabata pensa ku si, pero evidencia mas resien ta indiká ku el a evolví di e espésie di tribon "Mako", i ku "Megalodon" a disparsé sin laga niun famia. En todo kaso t'esei ta lokual e sientífikonan ta pensa, pero tin historia di piskadónan ku ta kue piská ku mordé di tribon gigantesko. Ora ku a kalkulá grandura di e mordé nan a sali riba un bestia di 17 pa 18 meter! Pues ken sa si no tin niun famia serká di "Megalodon" ta landa rònt den e awanan inmenso rònt mundu? *Skirbí pa Bruce Davidson - Saint James School of Medicine*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURESA



Traha huntu na un desaroyo duradero pa Bonelru